

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-19-17122/21  
Sarajevo, 19.11.2021. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

## ODLUKU

**o izboru najpovoljnijeg ponuđača u predmetu – Izvođenje radova nadziđivanja, dogradnje i opremanja OŠ “Behaudin Selmanović”**

### I

Prihvata se preporuka Komisije za javnu nabavku radova i okvirni sporazum u predmetu - Izvođenje radova nadziđivanja, dogradnje i opremanja OŠ “Behaudin Selmanović”, broj obavještenja 422-1-3-177-3-142/21, objavljeno na Portalu javnih nabavki dana 22.09.2021.godine i u “Službenom glasniku BiH”– Oglasnik javne nabavke broj 59/21 od 24.09.2021.godine, dodjeljuje se ponuđaču „Inggra“ d.o.o. Sarajevo sa ponuđenom cijenom za okvirni sporazum u iznosu od 403.978,50 KM bez PDV-a, odnosno 472.654,85 KM sa PDV-om.

### II

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

### III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

## Obrazloženje

Odlukom broj 02/12-19-17122/21 od 20.09.2021. godine Općina Novi Grad Sarajevo pokrenula je otvoreni postupak javne nabavke - Izvođenje radova nadziđivanja, dogradnje i opremanja OŠ “Behaudin Selmanović”, broj obavještenja 422-1-3-177-3-142/21, objavljeno na Portalu javnih nabavki dana 22.09.2021.godine i u “Službenom glasniku BiH”– Oglasnik javne nabavke broj 59/21 od 24.09.2021.godine. Zapisnikom o otvaranju ponuda od 14.10.2021. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača:

1. “Unigradnja” d.d. Sarajevo
2. „Inggra” d.o.o. Sarajevo
3. “Sela” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Unigradnja“ d.d. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (d) tehnička i profesionalna sposobnost – da je ponuđač opremljen neophodnom opremom za obavljanje predmetnih radova; Oprema: kamion za transport do 10t nosivosti, mašina za iskop i utovar, dizalica za vertikalni transport tereta nosivosti do 500kg, građevinska skela minimalno 500m<sup>2</sup>. Tačkom 3.4.2. (m) propisano je da se navedeno dokazuje na sljedeći način: *kao dokaz o obezbijedenosti opreme dostavlja se izvod iz knjige osnovnih sredstava ili ugovor o iznajmljivanju opreme, za kamion se dostavlja važeća saobraćajna dozvola, za radne mašine saobraćajnu ili upotrebnu dozvolu (original ili ovjerena kopija). Ukoliko iz upotrebne dozvole nije moguće utvrditi tražene karakteristike dostaviti zapisnik koji to dokazuje (original ili ovjerena kopija).* Uvidom u dostavljenu dokumentaciju Komisija je konstatovala da ponuđač nije dostavio dokaz o posjedovanju ili ugovor o iznajmljivanju opreme za kamion do 10t nosivosti, ponuđač je dostavio ovjerenu kopiju važeće saobraćajne dozvole za kamion nosivosti 11.160kg. Nadalje uvidom u dostavljenu ponudu Komisija je konstatovala da je ponuđač dostavio ovjerenu kopiju upotrebne dozvole za radnu mašinu rovokopač a navedenom tačkom tenderske dokumentacije tražen je dokaz o posjedovanju ili ugovor o iznajmljivanju opreme za mašinu za iskop i utovar, što ponuđač nije dostavio.

Iz naprijed navedenih razloga utvrđeno je da ponuđač „Unigradnja“ d.d. Sarajevo ne ispunjava uslove tražene u tenderskoj dokumentaciji iz tački 3.4.1. (d) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač „Sela“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 4.4. cijena ponude – *ponuđač treba popuniti obrazac za ponudu i obrazac za cijenu ponude koji se nalaze u prilogu tenderske dokumentacije u skladu sa svim podacima koji su definisani u Aneksima 2. i 3.* Tačkom 4.4.2. propisano je da *ukoliko ponuđač propusti popuniti obrazac za cijenu (Aneks 3) u skladu sa postavljenim zahtjevima za sve stavke koje su navedene i ukoliko bude mijenjao stavke u navedenom obrascu, ponuda ponuđača će biti odbačena.* Uvidom u dostavljenu ponudu ponuđača „Sela“ d.o.o. Sarajevo ustanovljeno je da je ponuđač nije popunio Aneks 3- obrazac za cijenu ponude u skladu sa svim podacima koji su definisani u istom, odnosno na strani 31 ponude, stavka 9 (Pomoćni materijal za zavarivanje cijevi, cijevni lukovi i redukcije, zaptivni materijal, cijevne obujmice i nosači, brusne i rezne ploče i dr. 50% od veće vrijednosti cijevi) nije data jedinična cijena tj ponuđač je propustio popuniti navedenu stavku, a što je bio obavezan popuniti.

Iz naprijed navedenih razloga utvrđeno je da ponuđač „Sela“ d.o.o. Sarajevo ne ispunjava uslove tražene u tenderskoj dokumentaciji iz tačke 4.4. cijena ponude te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni ponude ponuđača „Inggra“ d.o.o. Sarajevo, te utvrdila da dostavljena ponuda ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude te utvrdila da je ista računski ispravna.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama.

Komisija je nadalje utvrdila da je predmetna ponuda ponuđača „Inggra“ d.o.o. Sarajevo u iznosu od 22.654,85 KM veća od iznosa određenog u Odluci o pokretanju postupka javne nabavke (gdje procjenjena vrijednost predmetne nabavke iznosi 450.000,00 KM sa PDV-om). Komisija je od Službe za finansije zatražila stručno mišljenje o mogućnosti odobravanja dodatnih sredstava u skladu sa Zakonom o javnim nabavkama. Mišljenjem broj 02/09-11-sl/2021 od 17.11.2021.godine Služba za finansije dala je saglasnost na

traženi dodatni iznos od 22.654,85 KM, te je na osnovu te saglasnosti Komisija nastavila sa procedurom javne nabavke.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa ponuđačem "Inggra" d.o.o. Sarajevo.


Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučno kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

**DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik  
mr. Semir Efendić